

林屋集卷之八

山人

蔡羽

進酒行

冰盤清寒沉李赤蔗漿調和子鷺炙炎天何處生冰  
 雪月出花香好留客麻姑井泉金汁濃水晶壺瓶傾  
 琥珀巴渝身輕捷越女天下白曲易終懽無極有客  
 白晷鶴鬢衣手持如意生寒輝清風揚揚起江漢坐  
 來黃鶴衝天飛天河出烏鵲回短簫颯颯生清哀哀  
 懽苦樂不可知良辰美景懷須開劉伶不飲今在哉

送葉敦叔還潞溪

秋暉杲澄江丹楓隱 金闕懸念慈湖霜棄捐白門  
 月與君俱他鄉天涯勿遽卒青青憐桂枝去去悲短





髮日暮葉不鳴樽空鳥屢沒送君轉依君清夢先甌  
越

送大司成崔公歸鄴

盧龍旭日照微霜江郭烟銷萬木蒼畫裡祖筵迴海  
色鏡中鸞鶴度嵩陽仙人垂手能相引  
聖主臨軒得未忘秋興不如明月遠伴公吟咏上公  
堂

采薇三章

采薇南山下忽憶千里人豈無臨岐言一別今幾春  
舊交容易新交容易親緘書重復啓曲折情難陳  
勿陳逢彼怒人心不逮故願言秉子德千秋愛貞素  
采薇北山巔遊子日已久不見的顛高終辰抱箕箒

隴水何年分白石何年朽嗟嗟紅顏子誰與共皓首  
皓首疇昔期人心不可知天地苟無變片言至死持  
采采中阿薇終日不成束越鄉無的音日暮亂心曲  
飢鳥啼我傍忽復止渠屋延佇惡晝長夢見惡夜促  
夢見猶平生人言詎可憑去服一何馨受言藏新滕  
至日前夕蔡子玉卿莫子惟誠莫子君父  
金于士瀛集寓樓

小閣何妨塵尾長共臨燈影拂清霜京華更覺南音  
便瑤樹能令玄酒香宮漏初清月上幕寒鳧未定水  
春塘文園病客歸無日空復陽生在異鄉

天平山

采綠南山暮乘霞北搗朝石攔迴碧澗銀磴到丹霄



香饌出修竹晴光動遠條平生瞻望處今日坐岩堯  
寄吳子純叔

當年

帝里別歸卧綠蘿房不見金門月空思瓊樹香誰言  
門第迥偏愛道風長萬里鯉鵬翼天衢早激昂

愛日亭贈顧東橋

却老自宜開藥圃鑿渠真可接魚梁鶯聲細入清谿  
路花氣難銷玉樹香竹裏草經縣榻父壺中得道引  
杯長青桐葉底曾眠客滿院涼陰夢石堂

暮春山居

斜廊下塔影半頰送湖光紅霧花藏鳥寒泉竹隱房  
空虛時墮翠寂寞自生香客過蒼苔合翻經日漸長

陪蔡許莫三子酌憑虛閣

樹色帶京邑山花拂鏡中石樓朝雨歇蠟屐勝辰同  
鳥散動巖翠泉香流澗紅相逢但揮塵情思滿江東

送金子主瀛春試

歲暮同京華安危隱相託念子千里行令我情不樂  
水寒木無花城高日楓落言征在須臾臨酒不能酌  
天王開宣室求才意不薄子有結天方遭時須踴躍  
昔羨子與守終然季布諾寄我尺素勤遥持慰寂寞

贈王慶年

可愛名家瓊樹枝白蓮花畔看臨池武陵舊搗糝糊  
久番得蘭亭玉沈碑

安西路



噫吁荒哉邈焉殊疆柰何窮之沙河隔斷西北戎三  
十六種不與中國通張騫思驛焉乘欲却從西海脩  
武功窺胡九千里忽到烏壘城行盡西天路始驚葱  
嶺行捫崖鬼兮距崖孽馬步相持氣索索三十日兮  
無火烟沙蒙天兮隱隱見日落天將窮兮路無邊獸  
却奔兮鳥不前大小頭痛山欲度何問關差乎千里  
繩牽徑線緣華子十去九不還請陳條支水西薄蒙  
汜津徒聞王母居無梯上崑崙夸父之疾尚不能力  
徧敢與飛兔爭絕垠凌天臺兮欲橫絕阻漢日兮難  
飛越但見狡狴鋸牙犀象成林春無綠草晝惟慘陰  
展轉阮谷間六月常雪深死生永絕域骨爛無返音  
於戲田輪臺重九譯窮河源竟何益醜形異狀二萬

里豈有馨香朝玉几金錢寶幣委胡沙空使豺狼殺  
赤子中華珍果如山積蒲萄首宿非玉食軒皇天數  
馴麒麟死王之馬何足馴雖然通西域有深意但使  
胷奴斷右臂都護之設中國敝

聖代羈縻得上計

寄王南原憲副

河洛無消息京塵失路岐楚天黃落曉江館別離時  
作客聽猿久歸田解劔遲故人今鮑子三北莫深疑

劉南坦太僕應 召二首

歸田不束帶寂寞畏聲聞深鈞磻溪水高棲浮玉雲  
忽聞青瑣詔驚散白鷗群尺五

臨軒意其如 賢聖君



補天皆職業對馬亦忠良但免徵科虐均為燹理方  
何須假和好端可峻疆場苟况談兵罷賡歌上 玉  
堂

百花洲

香徑幾時迷鳳鳥春風猶自遶滄洲叢叢蝴蝶烟房  
冷對對鴛鴦錦浪愁綠霧難藏皓齒吟青山空隱黛  
蛾羞蘭舟日暮頻回首中流遡洄何處求

贈陳道復

風流雖脫略翰墨總橫斜畫入南唐苑家藏北杜花  
醉中小宇宙隱處縱雲霞吾道固如此旁人底事嗟

餞友

餞子江之沱送子喻隴首子亮江彌深隴行柰程久

念子若拱璧珍重不釋手兩懷豈有間形合不見醜  
子爲老聃龍余媿墨翟守苟使盟不渝片言勝瓊玖

雨中張膳部見過

碧署晨衙散東曹細雨來城隅迴紫陌官馬踏青苔  
好古多題品餘春費剪裁滿樓佳樹色點筆綠烟開

送黃子誠甫守吉安

瓊樹花間簇馬鞍元侯仗節楚江干氣吞彭蠡秋濤  
壯興繞匡廬石鏡寒

天遠收忘方面重階高應爲得人難清風處處堪談  
道莫怪棠陰早築壇

送陳良用還睦州

傾蓋陳琳意氣嘉春山旅食共京華美人歸去留明



丁真鳥空啼，恁落花秋榜。奪標知妙手，天機照眼是  
名家。因悲駑馬蹉跎，日欲步追風。白鼻騮

高郵懷朱太叅升之孝廉振之

高郵城上晚霞明，耿耿難爲故舊情。休將鸚鵡驕黃  
祖，欲覓龍門御李生。草堂已見星辰爛，蘭玉無如兄  
弟清。雲樹重重湖渺渺，晚來空使遠人驚。

至樂樓

彼美山中阿爰樹，松與栢緇衣適私居。拱帶蔚郊陌  
抗館浮青雲，長林翳華宅。連峰交綺疏，汗潢逝不息。  
區區竭志節，耿耿爲社稷。俯仰予何暫，顧念彼已偏。  
所以四海樂未若，寸心得孤懷。詎暫寧一飯，懸九  
極。下沐鸞鳳音，時時屢殊錫。四耄連三公，群玉列九

棘。人人殊忠孝，至願恆疇昔。廊廟與山林，無庸判形  
迹。能忘得失機，長逝逍遙域。野鳥勿我猜，害馬久云  
釋。種藥有良方，談農任賓客。高風出軒冕，遐邇滌清  
德。

芳洲書屋

萬水縱橫去，千峰宛轉迴。溪花終日發，林靄不曾開。  
卜築依沙鳥，浮遊結渚梅。霞宜隔樹看，月自與潮來。  
春草夢未已，釣園人擬回。但忘朝市念，得免海鷗猜。

高郵舟中留別朱子振之張子世卿朱子

子价

杖策愴惶話路岐，關門欲去幾人知。天涯首宿鳴騶  
遠，雪後虹蜺載酒奇。淮海相逢聊擊筑，滄州留別再



題詩明朝便是江南北莫怪寒鴉日暮遲

芍藥

三載京華夢多情芍藥欄開樽逢一笑秉燭共誰看

已遍汀洲綠猶多麥秀寒玉顏宜半醉莫訝晚來丹

李翁將赴池州就養來遊舊都

秋浦千里月鍾山一片霞朝遊方曳杖暮宿且停槎

有子官方始如翁老亦嘉匡廬在隣郡早晚興無涯

陸子叔平見訪

山雲緲緲水悠悠萬頃波心一繫舟正月尚留紅葉

影春花欲艷白蘋洲筆間烟霧開圖畫醉裏江湖動

斗牛莫道千岩徒懼客君家曾有舊松楸

未至林屋洞

跋石林光遙馬辰里墟靜蒼蘄乃沓來參差亦虛朕  
雲間青城路水上碧霞磬未叩白玉扉予心已先競

柴光祿壽日八韻

為官常禁近出入五雲中間報鸞坡政仍脩王府

功鍾山迎署綠宮路引裾紅南邱持清壘中朝想

素風華京多選勝藻思付詩筒駕許方諸老丹猶狎

八公已經金鑄骨莫訝玉還童玄德知無愛其如爵

轉崇

雨中懷師古谷宏二弟

近秋蟬噪急經雨蔓難行高館虛霞影空堦憶履聲

山深交轉闌丹久道還成莫咲石床冷青芝昨夜生

歷歷三章懷後渠崔先生也



歷歷河間星伊人一何渺三秋無會期離別何草草  
三秋復三秋飢來怒如搗言念金玉音恍然凌塵表  
緇衣豈不適無由附歡好歡好信有天願言常不老  
歷歷河畔斗伊人何迢迢或在礪之阿亦在山之椒  
長暇疇爲親圖書日逍遙逍遙豈宴荒玉德轉自昭  
鄴官豔復紆伊鬪遠言堯嗟予不能從曳裾顏日凋  
歷歷斗若箕美人在西北無我袖實短將我不能即  
蕩蕩春陽功華陰同嘘息昭昭彝鼎間孰謂非汝翼  
忠良不永磨重瞳載咲色小子無贅辭願言慎明  
德

壽小宰朱玉峰先生

當年文章有氣格獨步瀛洲竟無匹袖中綵線縫袞

衣毫素金膏奪紅日石渠聲價三十年明光草書幾  
千帙董生博大官轉遲公孫後來行自疾于今長者  
當復誰此老直爲百僚帥從容不覺近三台五十何  
人髮如漆佳期尤喜接孟光太公西母齊康強近臣  
總得黃封酒好對鍾山開壽觴

張瞻部席上

官舍迴深巷頻來識苑牆緩吟春草秀靜語晚卮香  
沙柳初藏鵲溪雲復滿堂官橋紅燭散驚動宿鴛鴦

贈潘子汝亨

紆我竹邊屐掃君松下床炎天素花落靜語道風涼  
渠待東堂月茶餘晚院香山深獨來往何處最形忘  
秋日張子子饒果樓



房前翠鳥藏鶯曲石上青絲挽客長花砌陰陰移夏  
景荷香細細起池塘忘年久羨金蘭契入室曾分瓊  
玖光更上東樓望南陌令人迷却輞川莊

送王履約春試

漁陽十月月已寒首指蕭蕭沒馬鞍白鴈度江書好  
寄青雲盈路別猶難隨珠照夜應無價却曲逢人不  
浪彈游子袖中新賦美但聽宣召上金鑿

許彥明山房見過

青崖丹谷樹中梯秋日壺觴在竹西子有高情巖畔  
宿東林同聽白猿啼  
寒潭石壁下斜曛同掃蒼苔看白雲山色可憐人欲  
去明朝潭上奈思君

秋日歸山中二首

短棹入溪谷客歸猶佩刀鍾聲散朝靄曙色下林臯  
鮮落寒泉細雲移碧石高家家拾松子冬近澆村醪  
秋容疎淡甚旭日滿平沙入徑斜斜竹臨溪點點化  
橙香思鱸玉霜落早收瓜綠草深門巷江鷗共一家

金陵客舍逢吳子

碧霧橫虛閣青林懸早蟬杜鵑朝吐萼鷓鴣暖生烟  
舊恨醉中洗殘香病裏編相逢延陵子江上撫水絃

贈伍水部疇中

白雪才充富青雲意自寬詩精宜水部臘暖媚冬官  
愛客仍開閣輕裘別製冠友生誰最舊莫厭劔頻彈  
元夕賦陳朝爵席上



元夕天和煦闔門月更新珠燈回白晝畫鼓起紅塵  
老眼看花溢鳴臬送酒頻諸君多勝事予亦杰良辰

久雨答顧子見贈

春花去春燕來十月風雨門不開紅滋一夜隨流水  
百丈游絲牽不回司勳顧子錦繡心坐憐春色多沉  
吟憂雨憂時懷不忘長篇短句留情深知君自有補  
天才如何邀我同山林長安多車馬芳草暗門巷傳  
聞蛟出谷無乃水靈降顧子草經處青苔上衣桁報  
我這詩筒分明見高况予本北山鳥踏蹬依南宮多  
君憐羽毛太息樊籠中淫雨憂生民復此羈旅情炊  
烟結窓几樹色空滿城讀子春草篇一洗雙眼明我  
云蒼蒼本好生况今臺寺多清平春農日日荷鋤待

無爲載使創民驚隄楊水中青魚梁漸蕪沒束濕之  
陽歸移家避蛟窟白髮空懸藜藿愁尋君欲話江邊  
樓金門月色依希動好拂簪裾作夜遊

蟋蟀篇

露渾盡抱枝頭枯黃葉已逐秋風去空山夜靜深閉  
門何事啾啾達霜曙候蟲變時序更江湖催促遊子  
情戶之樞床之足愁人不寐起秉燭十月未授衣九  
月未築塲歲寒始怪農家忙嘻嘻夏屋爾何爲欲祭  
先農無酒漿一粒須辛苦萬鍾戕怠荒聽我蟋蟀歌  
瞿瞿無太康

送陳子啓之

春去開門綠鬢啼畏客歸舊蹊經樹合片石自雲飛



讀憶松間火吟虛水上華已通南礪鶴莫棄北山薇

宿顧貞叔話別

紫苔苔砌曲綠雨夜林香竹下移書案花間借石床  
話嫌更漏促別惡柳條長此後南飛鵲相憐月一方

貞叔館話彭子孔嘉

春宵遍長燭華館集後英馨香盈爾懷玄采相軋傾  
援衿念先子彈劍多悲聲蹤竒敢卜程物異遭屢驚  
雨鳴當床竹綠水波前楹停車待明發卮酒未輸情  
粲矣千金釀提携暫自輕

山晚憶陸子遠沈明卿十二韻

初冬天未寒雨過林光接丹樞擁青厓重重間雲葉  
古木猿垂條山城鳥歸堞阡陌俱懸青鳧葵已落茨

瀉雁護水田霜皁喜初涉擬過孫登巢將狗謝公獮  
沙明月欲生酒清未同秋安得二三子松下聽緩頰  
金闕烟際來蓬萊鏡中疊暝鍾踰嶺長嵐陰向晚怯  
行曳碧澗端眠與白雲貼山空瑟不鳴礪下谷風獵

謝白齋何老先生見過

竹間寒士榻花外上卿車過轍春猶在題巖秀有餘  
多容方信大下照自成虛竊羨青青草親承翡翠裾  
謝華泉邊老先生見過

長者停車處寒生盡布暄青山轉比郭紅樹合前村  
咲入原思室光盈孺子門風流在人品頌德我忘言

龍江別友人

秋風吹玉樹畫用有邊聲山過歷陽曉雲開鳳野平



古來然諾重今日別離輕把酒欲揮泣天空江城明

顧貞叔新軒

竹發護朱楣簷虛多碧光新軒如有待晝坐不知長  
話別思明月追求費短航菖蒲花未落城郭近端陽

陸叔平席上

翠竹雲霞淡餘花鳥鵲喧斜陽醉不發五載別難言  
晝裏移青澗城邊撫綠軒吳宮有新月上馬任黃昏

朱昌符碧藻軒三首

曉霽出城郭忽然開茂林水亭荷蓮砌夏日竹敷陰  
世濁難清夢潭寒可見心丹霞常在檻不惜捧杯深  
長川當酒綠說自匠門來細轉花房靜晴翻萍藻回  
石床端可卧沙鳥盡忘猜吳下朱張美名園殊快哉

五年江海別兩度竹陰行雲護松堂靜沙憐鳥共明  
對君誠出格願我豈勝情回首望不極莎烟終日平

荅沈太學少柔

河上脂車集樓中夏簟涼捲簾人看雨拂座草生香  
湖海踪難合城隅話漸長啼鴉滿高堞歸路畏微茫

李季喬園亭

官橋纜一轉何處得孤亭雨後山逾綠城中草自青  
書窓有啼鳥野服藜園馨坐久花陰合開函拂石經

荅金懋仁見贈

昔愛搖城水今逢安上孫瓊枝朗秋色蘭氣襲春溫  
格律卑時尚風騷可細論新篇無以報烟雨歧東門

再送楊夢羽



朝倚井邊蕙夕戀城上楓孤舟逗晚潮日薄江水紅  
遊子揖我去情重懷不同應詔何紛紛枚馬競豪雄  
但羨子行美休嗟余數窮相思不相及揮手送飛鴻

送錢秋官守臨江

天語初傳紅日角行人早發白雲司橫江樹色偏憐  
暮秋浦猿聲可在茲王道豈須全讀律郡章應不廢  
吟詩潁川暫爾難留戀黃霸名香節廟知

贈毛子純叔

擬載玄明可親携虛阜雲林垌入帝鳥屐齒藉香芸  
虛室心無垢微談客與聞流光湖上促瓊樹坐思君

林屋集卷之八

林屋集卷之九

山人

蔡羽

著

出宿五首

北風吹枯桑虞人正投兔愴惶問車徒童僕畏前路  
吹拂長劍霜提携玉槊素回首見家室欲行且反步  
交歌驪駒曲橫涕忽如注游子發南州青楊未全露  
問我幾時歸垂條容易暮適志須當時長勤亦良苦  
楊雄已衰晚耻獻河東賦停酒仰飛鴻驩駟暫時駐  
江上兒女衣茹蘆好顏色原上春草肥官奴放犢特  
江南佳麗辰游子離鄉國撫絃一何悲復見歸翔翼  
人情不相侔謂我不家食頭髮已種種何心戀官職  
願惟君臣義不仕胡可得酌酒別鄉里老大復努力



苑蘭未舒節駕言發南州桂楫且復停行人心縞繆  
長偃日彫敝歲晚吾何求嗟此計期促強赴京國遊  
金門多桃李三月花未休東閣厭白頭諒子誰見收  
貧嗟榮華落魄市校裘羞莫作宛轉啼覩此媒理儔  
念彼飯牛子長歌夜悠悠聽者一何遠歌者但結憂  
雄虹尚蜿蜿素月猶未出馬蹄踐霜雪塵沙獸毛猶  
遊子輕千里離家太倉卒甲辰吾出門今晨幾逢乙  
疇昔懷區區擬向重華述孤蹤屢見擠中道常相失  
舍焉猶柄鑿用焉等膠漆嗟哉相逢難何以解壹鬱  
芙蓉出江沱無由近紅日將此曝背誠翁翁復怵怵  
泯泯雙鴛鴦穿飛不離翅提提歸遼雁雲中自相媚  
使君何執掌故鄉勿輕棄集友北城橋晨傳參差吹

枕客舟中月逝謀達且醉清樽湛吳水持子臨別解  
他鄉非我鄉雖好寧相忘及我旅力在爲王經四方

採桑女

方遠揚姜女在中林朝筐未及盈黃鳥忍好音  
玉顏易遲暮青春緘怨深余髮一何曲黃子或同心  
子心不余亮日月空照臨嗟嗟孟姜操歲歲此桑陰  
楊弘之期石湖不赴

禪林芳草茁擬向石房深湖上虛鳴榜城南不抱棊  
綠蘿成獨往黃鳥有餘音想像王摩詰燃香坐竹陰  
淮陰小西湖

湖光滟滟杯低低淮南春在夾城西行人欲發迷芳  
草可是黃鸝著意啼



同衡山文子師古弟步呂梁岸

雲際黃河春色來旗邊白鳥下平臺天桃過節花何  
晚羌笛離家曲轉哀野戍荒涼埋綠草豐碑欲讀多  
蒼苔仗劍東風鼙鼓促關門月出好啣杯

三月十三清明日宿徐州

黃樓不見望空懸花鳥猶依北去船泗上河流三道  
合彭城月色九分圓霸圖寂寞空歌楚舊俗流傳尚  
禁烟萬里關山歸雁疾停杯何處暮春天

百步洪

夜越彭門阻晨停秦娘渡飛濤薄青穹蛟龍一何怒  
兩崖屈回盤戈矛日相距鼉駕河車高魚吹雪山至  
客子驚風波篙師絕洄漚進努忘艱危回瞻生憂懼

沛縣

緬邈泗上亭空思大風歌帝鄉白雲興壯士感教多  
濁河何縱橫禹迹奄滅磨西陵餘佳氣東山鬱嗟哦  
舟徒緣陰墟陵子遵卷阿相逢話辛勤日暮投干戈

魯橋

東蒙方莪莪洙泗亦沮沮屢梗舟不前時昏未即處  
春過花不舒旅憂易成緒思嘗齊人羨不見楚郊雨  
朝素夕成緇揚沙疾於絮鷄聲一何惡有客中夜舞

宿任城

孤城下春明勞人夕征息徒中傷春逝屬酒聊以適  
須臾圓景臨餘英飛當席南冠已繾綣檐簷日未釋  
昔慕魯連義今寡淮陰客浮沉馬策間勿令津吏識



過鉅野

河南多汴流汶濟隱不見大野何年枯猶存古封縣  
青州昔豪士田宗崇義彥東依恃廣固西驅達堯甸  
嗟哉世途回不特桑田變運艦安所需旦作晡未宴

寺前開觀南旺湖

草色連河濟船頭入古溪湖分鉅野角柳暗寺前隄  
碧藻香魚樂青山疊馬嘶圓沙與長浦處處鳥飛低

齊南書懷二十首

客裡驚春盡芳心病起餘柳花初藉岸水荇煖生魚  
未識齊南路將詢汶上居青山滿關塞何事獨驅驢  
毛褐春深重邊愁不自勝晴雲麥秀隴高岸水流冰  
禱雨神無力狂風歲可憎孤亭一以眺塵土轉難馮

懸想青州樂俄聞麥價喧經春乏膏雨過岸仰沙痕  
無酒虛邀月尋花空入村天長休問路鞞鼓斷征魂  
蓬窓春酌澗石瀨夜牽遲河斷仙槎查天清斗柄移  
關山動筋骨塵土滌須眉短髮慙隨計元無狗監知  
寺前花拂拂隄上竹紆紆小艇天邊路斜陽何處湖  
歌中渡溪女鏡裏落霜鳧已向關門醉狂來欲棄襦  
臨河看雁盡過魯已春殘太嶽分杯色東泉洗劍瘢  
花乾山雨少馬春草根剋今夜關山月携琴聽客彈  
春星連北極塵土暗山東水涸鮭魚死時艱杼軸空  
老兵乘斷甲俠客負交弓沙急常蒙釜晨炊苦黑風  
任城兵衛肅石佛教壇尊白旆團花戍黃金榜寺門  
愁聞車出谷遠愛鴨浮村又旱東泉溢空餘望水痕



鷓啼魯岸柳鴈發高平花鼓促城頭日河流天際霞  
來乘春漲穩去傍酒旗斜宛似江南路行人正憶家  
綠烟空海岱芳草接 神京月落開河驛花香夾馬  
營關鷄催客曙汀鼓報官程雨後雲沙碧舟行弄漿  
輕

雞犬村頻到關山路揔新城春鶯送客溪晚月留人  
倦矣衣成結悠然酒獨親風烟天際濶吟吳紫綸巾  
三月繁霜落齊州氣候偏不知花未發錯恨月空圓  
小米香餠盡垂楊短拂鞦晚山看更綠醉後露華巔  
璧月遙持酒丹霞近送船空聞關塞笛不散柳條烟  
投宿思前路離鄉憶去年高雲屯石壁應有戍人眠  
道曝思嘉樹河枯值美泉春菘初綻錦柔桑正採錢

久信方輿異聊從景物憐關門望不極孤墅一迴遶  
過雨塵沙息川平卧泛槎殘雲到白閣新月送紅車  
翠愛東阿柳香思穀雨茶雁聲臨塞急斗酒興無涯  
挑燈數殘漏開劒拂星芒片月臨關白哀茄語夜長  
短亭荒樹合孤戍野棠香鷗鳥忘機久時來入短航  
節物關羈思葉書重客囊梨花常怨別桑柘亦愁忙  
上美傳瓜果林香近蜜房關門無令尹此去恣翱翔  
宛似乘槎使虛懷繫馬心嶧陽桐已爨雷澤磬無音  
水翠牽衣帶山花濕髻簪鄉心一夜切悵望盡飛禽  
拜將壇曾築招賢館舊開虛名慙處士  
聖代用真才流落甘頭白飛騰已志灰楊雄雖賦拙  
無夢到 雲臺



晴川澄碧野雲石動高城鷺浴穿萍疾鷗行踏浪輕  
無花過毅雨有柳記清明懷抱全踈闊多沾濁酒傾

東昌郡光嶽樓

博州城高日未落城中巍巍千尺閣南瞰黃河北眺  
燕百川羅絡臨中原風烟頃刻生杯酒登臨令我心  
茫然手中雌雄劍隨行二千里踟躕古今事欲與牽  
不喜秦雲忽然低岱宗參差起平望箕斗間好與牽  
牛語魯連下聊城千秋仰名義高臺尚青青未識射  
書地鄆州節度何不臣銀槍效節空危身

聖明一統無戰爭綠河輓粟舟鱗鱗城門不用玄甲  
守河邊古戍花萼秦馬馳隘嘶入雲鳥穿簾箔啼  
向人芙蓉屏開宿翡翠沉香火底薰麒麟昇平自古

變繁華青樓大道歌聲新臨觴欲飲天色晚層闌佇  
立傷吾神

臨清大寧寺卧佛閣

乾坤茫茫混燕越特設重關作喉舌清泉統綺十萬  
家環帶河山勢雄傑滔滔河水雜車聲點點青山霧  
明威闌干虛無萬木杪天涯處卒殘春節踈踈碧雨  
濕林光欵欵東風弄簷鐵佛座寒生蒼蔔香珠簾晝  
捲楊花雪牽牛斜來入網戶游絲飛去罌藻柅回頭  
不覺浮雲低仰面渾驚太虛切本擬乘春朝太清踏  
花紫陌觀昇平佳期忽負三青鳥銀漢空瞻五鳳城  
黃金臺上吾無慕白蓮花前閒有情紅塵憔悴千金  
裘翻愛袈裟竹下輕東西南北何時已一坐蒲團却



倦行

武城次文溫州韻答微仲二首

殘春桑柘綠積雨暗汀洲白鳥衝帆起黃河入郭流  
舉頭惟見浪伸足未宜舟生柰更深鼓鼕鼕出縣樓  
柳市聞黃鳥雲中見碧城春回桑柘美人問縣官名  
古戍數星淡危樓一角鳴愁兼風共雨白髮幾莖生

冬夜王子元肅沈子明卿話余館中

漏點重城酒細斟天涯何處得鄉音江邊燈火三人  
影雪後沙鴻萬里心蝴蝶悠揚空復夢槁梧憔悴不  
須吟文章豈是無知己大楊雄意未深

懷華子從韻

花燈承露賞星館憶春游鴈斷天邊驛山虛閣上秋

新詩綉字至舊恨綠蘋愁何日江楓晚炊菰解臂釣  
別甘泉老先生

皎皎萬古月寶景無盈虧不掃青天霾晦盲將待誰  
天人豈二心名教自昔垂我公挺完秀崛起持網維  
憫世方惻惻錫類恒喜喜物我本一同同歸復何疑  
戚戚復欣欣春至草木知彼衆嗟已惑詆毀庸何爲  
蕩蕩光明途反背求捷岐粲粲甫田穀顧矜稗利飢  
甕底醢雞天嗤咲鵝鸞卑天啓誰能廢水歸非力追  
嗟予放失久日暮返顧遲官墻一何高宗廟未易窺  
南山有墓田跪陳離別辭道駕諭南指歲月雲嶠期

玉河橋曉行

太液新波出建章轆轤聲近想宮墻殘星拂樹天



橋淨隔岸啼鶯碧蘂長紫氣凝香開北極蒼龍乘日  
起東方

君王垂拱臨朝早銀燭光中散鷺行

慶壽僧房集蔣子子雲薛子君采文子徵  
仲王子直夫分偏字

幽境停驂偶禪房曳屨偏苑西花雨夜河北麥秋天  
岸情陪揮塵携燈照促筵月光松際動臨發更留連  
錢太常元抑官舍

相逢兩度入松筠動輒談詩到夕暝衙鼓不驚官樹  
烏禁鍾時度苑墻雲香浮盞齊花前酒羨剪銀絲雨  
後芹道義似君殊可愛不須炎熱日紛紛

王進士直夫僧房見招

曠曠旭日照樓臺輦道今朝不動灰玉樹青葱迴  
上苑宮雲輕薄擁蓬萊麥秋戰暑添筒布櫻筍籠香  
近酒杯禪榻王陽頻有約不妨騎馬踏蒼苔

海印寺鏡光閣

滄洲佳氣結樓臺圓嶠何年海上來雲裏虛無瓊館  
秀日邊浮動禁林開巖深四月花猶發客倦高春馬  
未回許借藤床眠十日長安不信有塵埃

贈盧進士師陳

相逢鳳闕下紫陌正花明已許身酬

主空於鄉有情曉鷓朝玉几夜氣望金莖余亦調  
宮呂煩君奏太清

南旺湖



關津小吏能鳴鼓楓葉猶懸落照紅忽得雲山驚汶  
上將隨鷗鳥問湖東碧江搖月眼如洗青蘋疊浪天  
無窮荷花正香菰米黑錢塘風景得無同

王內翰繩武失馬作詩道意

肯信龍媒出渥洼掉雲雙耳竹批斜晨朝久踏金門  
月曲宴曾銜御苑花踐雪不堪淹皂櫪追風忽自到  
天涯他年霄漢回頭處應戀青槐學士家

贈文選薛子

美人跂予久邂逅在京國詎意省郎門得御李生軾  
初訝玉壺冰復羨青霞色終然混圭角漠落不能即  
青春已遲暮世路何偏側矯矯鳴鳳群有鳥獨垂翼  
停車綠桑下延望白日黑含情俱未陳一飯三歎息

行觴天河斜編詩燭光曷兼葭倚白玉發報首重抑  
遭逢莫尤時雲泥不同術擊壤耕堯田無由報帝德  
夙夜元凱間辛勤為袞職出處雖不同願言各努力

廷試日左掖門即事

瑤砌文階映綺疏直廬東下步紆徐天高懸圃猶傳  
漏香過重樓亦墮裾禁樹餘花晴結綺日華浮藻暖  
生魚也知

明主憐才久誰為相如奏子虛

禮部引奏中式貢士一千二百二名

九重宣拜徹鴻臚表裏威儀肅

帝圖日閃朱旗香鬪律雲依芝蓋曉模糊池邊禁旅  
分金字花外仙班散玉鳧白首不知文學賤也將名



姓仗前呼

公寮避暑同凌練溪莫惟誠袁邦正

傳舍非吾舍來遊莫問渠幽期欣得友懶性不妨余  
草細香薰艸槐踈綠墮裾川光泛仙宇颯然雲閣虛

送孫顛州

太守除書下鳳樓官船六月到江頭匡廬樹色渾無  
暑章水雲衙欲近秋良牧正湏宣德化封疆猶自仗  
邊籌虔州見說田疇美從此黎民不佩牛

引奏後即事十首

中使迎軒簇彩旃千官猶在玉河邊香烟未散龍輶  
起今日

君王御講筵

嶺樹花間金鳳翹紅鞍綠轡馬頭驕當朝戚里多豪  
貴惟有何郎早插貂

天王不用擊球坊錡禁清嚴百草香都人更勿憂巡  
幸但聽雲中駕鳳凰

溫泉花木四時開閣道笙歌霄漢迴萬歲千秋常有  
道內家真樂勝蓬萊

千門花柳轉楓宸百和香中過輦塵銀箭忽從天上  
落六宮仙子聽時辰

林開鳩鵲綠烟銷月掛珊瑚樹影高闈苑風清仙曲  
妙西王連日進蟠桃

珠簾綠纈紫葳蕤小鳳頭軒花下移長信宮前宣使  
急平陽促馬赴瑤池



金華筵罷退從容小伏穿花聽午鍾五色傘中黃  
杷  
冪太官初進紫駝峰

金水荷花接綺軒石渠銀鑰掌中閣西崑學士封  
麻  
晚斜日猶開左闕門

碧鷄朱鷺羽毛鮮小殿芙蓉貼水圓昨夜百花風  
信  
急御溝新藻有紅泉

郊壇

輦道風清碧野平紫烟常自鎖南城行宮歲幸乘

龍近仙侶朝來學鳳鳴小殿沉香金氣鬱圓丘芳草  
玉華清祠官記得

天行處萬燭光中候颯聲

五日白河道中

煙流盧水桑乾近雲密西山紫塞長白鳥下林沙  
戍  
隱榴花夾岸酒舡香步提雄劍矜懷壯坐吳南冠  
咲  
客狂正是黃金臺畔路重聞羌笛起悽涼

早興五首

梳頭對螢火啓戶望牽牛曙色金壺從林光白霧  
收  
西池隣桂殿東阜盡蘭丘把纜不能發涼風颯素  
表  
荷澤花頻摘銀床葉漸稀月中來白鴈水上候丹  
扉  
騎轉應千礮車鳴想近畿南山霽色動霞影曉飛  
飛  
鼓徹晨鴉起風來赤羽斜星猶臨玉館虹欲度金  
沙  
燈與月同色霜凝劍有花關門未蓐食夢裏發京  
華  
鷄聲促客夜河漢近牀時乍舞星如雪長悲朱染  
絲  
酒香花發早稻熟鴈來遲不去家人怨金門再別  
離



朝曦迎紺宇秋水泛金塘綺花街岸轉珍木映林香  
暫宿宜鷗鷺東歸問稻糧相看三尺劔勤拂九秋霜

還讀堂

讀山海經云時還讀我書和何司空韻

慎俾法程促寧令閒簡踈詎意三台座別側高士廬  
巖通子雲閣雲護天祿書朝衣拂紫澗竹下迎脂車  
雅情忘鍾鼎道味兼寒蔬緣知布素徒得與華簪俱  
惓然對江山適意日火圖復見羲皇人千載同晏如  
晨興城隅爽晚憩林植踈青山如有情展轉親子廬  
領會千秋意獨坐一卷書麻桑緣徑深出入多迴車  
有客問田舍具飯雜野蔬黃髮欣過從童稚亦偶俱  
長松落音軌渺渺良難圖晏晏陶子真意極將焉如

神樂觀

天門王氣浮華蓋輦道松楸接近郊鏡裏白雲生石  
室朝來雕騎集林梢仙家弄笛閒招鶴醴井流水渴  
解匏落景不須催過客將書思卧碧筠巢

春日繫溪口十四首

仗劔欲登車明月在高柳本是五陵人對酒仍搔首  
雲出屏間峰月挂潭底樹今夕歡未央何時復相聚  
夜醉一潭月朝牽百丈花蒼茫從此去離恨滿雲沙  
莫怪疏絃怨花枝當酒新今夜聞中月明朝岐路人  
水綠暮烟紫玉人酣未歸傷心石上月花影滿簑衣  
誰家孤鳳管吹向碧雲間不是洮西路何煩訴玉關  
烟嶼浮空動山花拂水開放歌雙桂棹渾似鏡中來  
浦靜舒白練林香鬱紫霞春茄一夜怨吹動玉山茶



月自憐人去花難待客回絲絲雙短髻不爲曉猿催  
愛此拂面花玩弄水心月客有千里程盡爾一樽發  
鴻瓜經霜雪音書久寂寥故人須少待正月渡春潮  
江南別離苦不獨柳條綠忽聞春禽聲嚶嚶出幽谷  
落日古陵道傷心芳草烟桃花夾錦浪擬泛石城船  
水鳥白雪衣去拂酒筵低回翔不忍別送客秣陵西

天界寺

秋晨慕虛覽梵宇謝埃鬱前壘未及踰中林庶歎述  
入門躡颺颺循隩多倚鐫紫院陰霞興瑤階錦苔出  
問栢知僧年藉花蔭佛日晝憩夕忘返神恬形寡役  
懺往坐獨冥玩空塵徐拂絲萬豈不歡旋輿未能釋  
林屋集卷之九

林屋集卷之十

山人

蔡羽

著

懷王許州直夫

憶昔金門月禪房獨夜深吟沾花館露宿共白雲  
度洛風何遠傳書雁轉沉九秋江上葉爲子一停葉  
陳督經沙都政府邸納涼

公寮敞雲霧華構承俊賢茲景屬炎燠廣坻生焦烟  
赫曦何霍霍四術如履然禱祠神無應稼殺火出田  
精廬絕埃鬱廣厦當地偏瓊瓏間松揪阿密出地泉  
疾颺歷無長鳥韻踰竹圓良時克脩政宴暇無拘攣  
雅事文章狎座雜金玉絃虛明開四門洞悟徹九淵  
飄飄形勢輕漠漠談塵玄杯行清如沐終憇神慮縣



送沈元材作縣桐廬

符分萬家邑道挂長官旌雲署花邊到江船竹裏迎  
賢能推學力辛苦建時名又念南游路因君儼赤城

聽笛四首

山樓梅雨歇玉笛起高城此去江關近愁聞折柳聲  
悽悽閨裏怨字字玉關長同是他鄉客何人不斷腸  
此曲爲誰訴恩多恨亦多機中有錦字爲爾一停梭  
雙唳復孤唳聲從青漢流無端明月夜不寐起聞愁  
丁亥牡丹燕漠菴弟紹卿甥孚徵壻禮兒

侍

怪爾韶華富仍兼錦繡明悵霞香朶朶盤露曉盈盈  
曾是茂陵客如聞帝里鶯故園今日賞不盡五年情

盧穢方過孤園不值

念幽迴鷓鴣駕選勝向林丘水入桑經品山曾謝禰遊  
夏牀香礪雪秋纜白齒州空谷差無士長裾枉負羞

贈高子

一門蘭玉盡芬芳江北江南想望長倉卒白門秋色  
晚爲君親解紫羅囊

錢孔周席上話文衡山王履吉金元賓

契濶多憂思歡然集桑梓執手念離別別離何年始  
校書石渠閣反顧若流徒繫馬親昵門台尊城東里  
款曲輸素懷次第問髮齒錦瑟未及彈怨歌中觴起  
怨歌何所陳怨此夢寐人出門即天涯恍惚難常親  
送高司封公次守寧波



聞道無情能寡欲也因忠信自忘猜文章久借仙曹  
隱功業還推望部才座湧碧山勞拄笏霞運瑤海好  
登臺天台有約經過近許我鸞戩隔歲來

送張仲先還吳

新陽上車門朝雉已三唯車馬三五行顧慕屢回脰  
春花非不喜未若秋穀壽大道將無容焉能事嫵構  
慎子溫麗資瑚璉當大售努力風霜道先予謝鄉舊  
蔣子雲由河南改守南寧道經吳門不遇

有感二首

曾話禪房夜常縣華洛心烟花萬里隔關塞北風陰  
果取長沙忌寧辭合浦吟鳥蠻歸正久絕微奉華音  
三秋何太濶一見却無經已作歸湖夢虛瞻謝客船

文章映南斗花鳥雜蠻烟總到啼猿處微書不隔年

別言

舊怨一何多新懽詎能迄嗟哉瑤華草前身是何物  
長松留我眠片石爲君拂得酒醉復醒南山正蒼藜  
明日隔湘江此意難紡髯

豐考功携遊清涼寺

高臺四望烟初合八月潮生海未平錦鏞山河鏡裏  
見金銀城闕霧中明樹迴白鳥晴偏好桂落丹花晚  
更青貝葉未窮紅燭起仙曹遊詠有高情

送顧司勳

晨裝駕言邁逝將趨承明朔方豈不寒服欵心營營  
遊子悲黃落烈士離別輕煌煌念朝列疇昔馳聲名



山聲集遐祝尺五朝穆清冬籥司凝寒履霜遊天垌  
出入河濟間動狗萬里程惓惓加殮飯庶以慰友生

別華泉邊公

梁甫嵯峨二十年三秋得展翠除前詩壇玉塵聽餘  
論山寺華旃亦寵縣座接

奎台心愈下風高燕許趣無邊子雲寂寞歸樵近欲  
借奚囊海上編

袁尚之山房見過

晨光攬清曠曳鳥雲際房顧慕一何遐今日執子裳  
子裳不易執况復在他鄉政彼䟽峰秀裛此泉谷香  
勿訝盤飧麓舒嘯道味長動子石上塵令予毛孔涼  
好鳥知人意相喚無時忘如何告別促重予羈旅傷

徙幕府同仲先

府邸開平臺松軒轉萋綠四術多朱光閒房靜相屬  
余業倏朝依子懷喜夕篤深居若無人閱暑不知酷  
晚葵敷餘霞新蓮摘青玉風清客襟開月來琴柱促  
寂寂方丈間超然出塵俗長令形迹忘奚用事溪谷

哀金生果

假借一何早夙養亦不薄十齡見趨向未冠起頭角  
摳衣懷區區受箴氣沃沃繁華遭飄風圓景夕以霖  
儻得揚光輝造化不汝侵揚輝不足道諸姑誰與弔  
往者不復旋來者方懷抱

許子仁佐至館

搖落城郭虛寒颺匿光景余倦喜子來相對兩人影



中年惡契濶聚會常俄頃執手不及言欲言情屢梗  
快意及當年揚名在佳境萬里當橫行何須論鄉井  
晨裝苦跼促風波倏涼冷盡此一杯酒天長難引領

送沈子汝淵春試

邂逅無宿因握手訝平素顧念京華春坐子隴頭樹  
藹藹道塵香時時動天趣十載鄙吝懷欣茲一開悟  
比屋涉冬春辛勤詎能具行行獻納期匆匆敢私顧  
際會在片言時哉不須固黃河雪作泥願言勿輕渡  
遲遲魏州城春光礙回响臨岐乏話言徒諷楊園句  
白首滯周南分離豈不惧願惟君學行何須論相聚  
送莫子惟誠還安吉

秣陵城高木下急東方客發無乾霜相逢恨晚青袍

短送別愁多白髮長問路太湖知檣綠寄書南郡憶  
奈香父游歸無不歸去豈是移家無故卿

聞立蘇舜澤遺愛碑

偏訝張公笑爾禾不須准令教栽花若無奇跡驚當  
路何事歡聲動萬家烏府以勤新抗疏碧山題味舊  
別吳人臚木瓜

別蔣子卿實

同作京華客頻聞講義深蘭應知楚味朶未識羲音  
坐處雲生塵吟時月墮襟梅花枝上雪別後見君心  
寄胡子用夫

不睹談玄塵空聞奏賦期鴈沉天畔影梅負雪前枝  
春酒沾天宴宮鶯想鳳池遙知汾水上能綴柏梁詞



贈隨時余子

衡陽雖云邁想見太古色楚蘭經冰霜臭味轉相逼  
道執一何高欲求不能得黃髮非見遺徘徊似有值  
東封豈無情侍從付令息蒲輪亦安之終然表耆德

送黃子勉之

清遊在京邑歲晏同徘徊停橈虛龍潮舒嘯翠鳳臺  
落日碧江上黃屋烟際來心空萬化伴理到玄境開  
緬瞻金門月皎潔常無埃行行擬後會令節勿暫爓

懷朱繼之

話別停驂久都門月色蒼空懸千里夢動隔兩秋霜  
志學懷誠美忘家趣更長碧槐私第靜人羨硯池香

振衣臺壽徐子仁

上國山河麗金城草樹秋高臺飛霧棟別館隱花洲  
鴈度驚絃管虹垂促酒籌登臨吾未晚半醉豁雙眸

送王祠部還金谿

理楫東門傳懸心北林霞詎謂新相知臨別多咨嗟  
忠勤豈不竭顧慕情日遐百草搖春輝遊子賦白華  
吳歌合楚吹華帳迴金沙紆遲雲水歡馭杳南北衙  
羈中荒蕪詞接報慙木瓜送子千里月各照天一涯

贈方密部

君不見炎洲鐵網收珊瑚紫光錯落傾名都又不見  
梧桐鳳鳥多文章暫爲祥瑞鳴朝陽珊瑚之秀鸞鳳  
姿人中如此真希奇昨向長楊奪錦袍亦來南省司  
風儀南曹本是神仙署端居暇日堪吟詩踏雪晴迺



碧鳳城聽鶯獨傍金沙坡金沙柳色烟明滅樂府春  
歌動金闕臨池有客落玄霜舉國無人和白雪東吳  
野人頭半白時吐榮光借前席摩挲岐路歎垂頭傾  
酒花前慰落魄落魄吾無戀祿情愛君卓犖器夙成  
青年努力分陰細早贊王猷佐  
聖明

張仲先幕府夏讀二首

閒房藏甲帳官舍轉楸梧綠淨竹侵硯紅虛葵映樞  
南窓霞氣近北院履聲迂此地宜三伏開簾放燕雛  
入院惟黃蝶携琴愛日長苔花落松粉庭翠裒書香  
妙理忘言喜虛懷對客涼輕裾東署晚時得曳長廊  
贈袁秋官永之

緘書日下至鴻爪雪中香雄劍三年別秋虹萬里長  
祀汾傳賦草遊洛表文場老馬空知夜思分道路光

贈錦衣徐君叙八韻

戚里疏香遠元勳積慶深虛心常下榻愛士日鳴琴  
趣得山房秀涼依夏木禽樽前無俗氣言外有徽音  
夜桂分侵夢秋薇艷借衾不知天籟妙却訝化機沉  
靜室觀彤矢長裾蓋道簪書生情醉骨座上一狂吟  
寄贈蔡子玉卿春試十六韻

邂逅初無爲交深似有緣草香官舍晚梅發雪消天  
遙憶班荆地同爲入洛年宗盟雖許問華胃敢攀連  
山寺頻登閣都門兩看蓮已諸延壽易誰草子雲  
玄踪跡四陪久間關仗義堅晨壇分竹翠月殿候溪



烟麗澤親芝室微辭落塵筵冬無寒係累病藉刀周  
旋棄我非情薄成名自路先去斜桑柘影忽委菊花  
錢六翮方南駕長風又北騫江空無使候日下有書  
傳天府方沾席雲程早著鞭平生王佐略親奏  
御屏前

贈馬子進伯

騎省閒居日河汾講學年忽驚新曆換不見尺書傳  
笠澤花重發楓橋月幾圓夜牀曾借塵賦草久思玄  
守道真無愧何妨榻屢穿

別張膳部

寒花曉猶開清江自明滅蕭瑟沙中柳愴惶與君別  
阿閣瓊窓巢鳳凰孤雲野鶴江海長朝霞發疏闥別

館臨華池金風動閭闔畫省堪題詩題詩不盡江月  
白寄與婆娑烟綺客錦字常留彤管香思君正在綠  
蘿石春風二三月可是朝  
天期明州海岸綠因採雲門芝余舟亦渡錢塘去海  
上相逢話路岐

送潘汝亨

年年彈劍發皇州春去秋來似鴈遊送客花枝空  
冉冉伴人明月自悠悠龍江鐵笛酣猶訴楚岸猿聲  
暮有愁想像碧山高趣久抱琴無處覓風流

新桂曲壽劉鴻臚

天河白露秋明滅群仙未返河邊轍淮南桂子新吐  
香八公又集君家堂團天葩弄月魄金粟絲絲墮瑤



席金匏奏玉籥鳴虬吟鳳舞來相迎緋袍灼灼兮懸金  
魚廣寒寂寂香徐徐君昔遊兮殿之前樹搏藥兮齎  
君裾六袞兮

三朝九寺兮六曹耿孤忠兮靈脩知予何心兮自伐  
勞秋光喜稟花幡幡綵衣競秀羅蘭蓀千金壽兮萬  
年酬敢湏臾兮忘

主恩天香未休歇新歌已三闋小山自是君家物歲  
歲年年賀佳節

懷胡可泉先生二首

領郡日無暇虛懷趣有餘學能通大道治豈在程書  
逸思霞生管清風王振裾廉哉成化又不必事懸魚  
判墨三江雪吟懷萬里秋恤刑歌度女文教浹炎洲

拱 極心無已看山興復幽假令輕管蒯樗散得從  
遊

憑虛閣贈高子世佐

君懷出太虛把酒復此閣孤雲動片石松花忽然落  
六月暑氣消崖澗塵土薄絃歌迴林谷鳥喜予亦樂  
竹綠談塵寒山空道風漠神交幾許年相逢在丘壑  
予情付物輕顧子亦信廓無言但鳴磬磬罷月在幕  
金陵送張仲安盧汝立歸括蒼二首

烏鵲南飛猿夜啼石頭城上素河低多情得似金門  
月一路隨君渡越溪

君家正住白雲峰一幅秋光在鏡中我向天台訪理  
草蒼山應與赤城通



秋日馬子洪過訪

世遠人猶到山深葉未飛  
飲宜霞藉石行許霧沾衣  
夢裏京華久年來鬢影稀  
但同巖底卧莫笑紫芝肥

別燕泉何公

亢厲非違情鯁峭自天植  
吐哺非泛愛兼收股臣職  
夙夜予豈遑區區蓋爲國  
風儀表遐邇瞻戴與翼翼  
質庭承光景窺隙候顏色  
魯生未聞道使令備隅側  
或宣金玉音或示科斗墨  
被色步營營領對心惻惻  
荒滄無素姿歲月嗟旅食  
南山有故廬言旋服田穡  
蕪蕪藁稷階後叅難屢  
即藹藹周召懷援衿起太息

送王履約致高寧波

新花遮去騎鳴雨促官船  
候館鶯當路春江草接天

芳名已黃甲美業待青年  
到郡應傾倒知渠太守賢

寄大司寇見素林公

泰山不爲高檻泉不爲潔  
桓桓鯁素臣逮毫不喻節  
丹衷格四聖社計炳朝列  
匪疾苦口良終沮婉變悅  
鼎席遑暇暖雲林屢結轍  
殊方仰鏡德群士傾風烈  
載陟循淵魚旋裾拂巖雪  
朝雜綺川遊夢侶奩旦切  
耻作紅顏工莫咲白頭拙  
出入關蒼生著述興俊傑  
一別隔清光三見楚江隄  
擬接赤松遊遥尋白雲穴

呈大宗伯立翁沈公

宗卿望依久中外風素長  
玄扃伏淵度靜德涵鏡光  
丕張敬典則百司觀紀綱  
虔脩郊廟儀肅致  
元后章攬士充辟雖簡樂  
俾太常調和信簡淡潔一



恒不遑忠勛格

四聖臺省協贊揚敏思通幽微鴻範垂  
已篤夷夔方偶將霄景流下列庭御牛

賦得彭蠡湖呈盧識方兼柬

秋水鎖潯陽南浮一何斥沮洳連八州

諸巒信遙分廬阜多黛色朝窺松門鏡夕

盧君既豪邁屠子復俊逸跨霧出輕橈凌

馮夷未息鼓龍女已吹箭韓終去不還石點

瀑布能生八月寒石梁分明駕丹碧二妙乘

哉飄飄俱作雲端客嗟予有興莫爾從西瞻

鳥

林屋集卷之十一

林屋集卷之十一

山人蔡羽著

傳響集序

文主乎道行乎氣章乎事物協乎韻約於經典於志  
充於傳記委曲乎序事溢乎論是故贊如布華如袞  
繡無聲如土木鳴如洪鍾灼如日壯如山河嚴如管  
鍵溫如春而各極其趣是故志乎是比乎是陳乎是  
訓乎是立乎是明彛倫庶物乎是微顯闡幽乎是而  
皆不容已其發也有為其變也以遇其趨也以時而  
已矣詩之不容已猶夫籟也詩之有清和哀怨猶籟  
之於四時也太史公曰古詩三千餘篇孔子刪為三  
百十一而六義形矣風觀乎情也雅觀乎政也頌考



夫世也其文之有韻者也更于騷降于漢雜于辭賦與古漸異然志有述也物有指也離有怨也亡有思也得乎風矣宮室苑囿田獵能美也落成飲至公庭之燕能勸也得乎雅矣漢無先王之德故郊廟之歌嫚而頌喪魏之視漢猶漢之視周也夫物貴多識風雅有變管平方輿止乎義理不可亂也後之言事情者徇乎辭而不知節晉宋以還景物愈多意義沒矣近體萌矣然猶存乎溫麗守乎典雅君子猶以爲華國松陵崔子德卿守厥先人遺藁將登梓請弁諸首予重德卿之孝也告以故崔先生名某字某詩凡若干首取其趣在唐人有所韞藉予嘗問德卿曰凌先生時東云何曰已告諧矣并以書來遂定選

### 宗譜序

夫本支不明則宗不立家無乘則本支不明紀無要領則傳注不親旁證不的則乘不信四者作譜之患也蓋自井田破而世家散皇運改而華胄遷支離萬狀後世得見其鄉者古郡名而已矧我諸姬二千餘載轉生氏族分占諸夏屢斷屢續昧而復彰然必毓自一人以連數郡食德升朝各丕其造迹厥所以皆樂善守禮克綱厥世而非偶然也中原之變莫大于宋胡人入汴鼎族不寧我秘書公遂寄胤吳方垂四百年寔蕃我類自秘書造家而人祖之禮曰別子爲祖成其始也再傳而上下蔡分四傳爲七六公兄弟其季七九公出贅館于角里遷于錫山遂開板村嘗



讀上乙公墓石皇父西巘府君題曰十三世孫八十  
餘人時板村尚未合也天道好還義揮使 誠齋公  
仰惟本宗孝思積歲考厥丘壠遯厥文獻理厥苗裔  
然後三百年之宗復合今國字行已二百四十餘人  
而亡其世次徒在他州小乙小秀二支不與也誠齋  
再益前譜世至十八輻奏聯絡斯亦勤矣禮曰尊祖  
故敬宗敬宗故收族是三者非孝不行非志不篤詩  
曰駿惠我文王曾孫篤之夫以秘書公恤澤之遠固  
待後人之篤之也今群孫胙蠻本支明矣舉之疊疊  
有文獻矣紀以一人得要領矣遠徵趙宋近稽前烈  
旁證的矣篤孝子之志而去此四患然後可以言乘  
也又俾遠孫得見厥祖同姓相遇不爲塗人爲益大

矣爲化盛矣夫念厥祖斯思無忝思無忝斯不羞其  
類不羞其類斯思慎厥身思慎厥身斯知善厥道知  
善厥道斯克與永存反是雖慈父不能庇其子矧宗  
人乎是譜外之訓誠齋之志也并發之

送四川憲副龍公序

郡太守之務繁於監司二千石之權輕於廉訪事不  
善始恒難於善厥終克善厥始者尤難於善厥終凡  
此皆未之思也夷求諸本而已矣夫本不立一社一  
亭未易爲暇計郡優藩藩優郡乎夫自爲邑爲郡爲  
臺爲省以至爲卿孤莫不有體然本無二也列臺閣  
分曹務撫中土厲邊徼救瘡痍和獷悍莫不有機宜  
焉然本無二也廬州郡守攸邑龍公由民部郎中守



廬五年政績卓異嘉靖乙酉春

天子擢爲四川憲副廬江之人留之弗獲或曰蜀兵而廬難郡之不寧先飢後疫艱亦甚矣微公微廬也廬之民飢者得食死者得生義倉有貽學校日新誰俾之乎以此知蜀之不足爲也或曰蜀難而廬易皎皎者易汚磽磽者易缺以廬之艱五年而成政天下想慕矣名高者難爲繼蜀方籍籍公何以待凡此皆未之審也公於是有所木焉夫天之職人蔑易艱仰自公孤俯建亭社何莫非職巨綱細目機權變化至不可勝載吾心歛之曾不見外龍公無本作於廬將惴惴矣今讀龍公奏移見厥忠誠舉其績豐豐不能盡爲吏者不當如是耶廬如是蜀亦如是天下亦如是

矣極而躋於三公九卿亦罔不如是矣學於家用於天子之庭非是之謂乎然節觀晚守現終吾是者誠而已敬是者志而已余三言願爲公臨行獻

送甘通府序

溧水甘子由鄉舉授臨江府判歲甲申有事於南司農其友人太學丁子某袁子某屬言贈行蔡子曰余聞甘子有日然未得紹介願聞其志趣曰甘子又註選不欲仕吾徒勉之仕其人自得多而外求少者歟蔡子曰甘子不欲仕我知之矣非輕世厭俗忘天下者也知仕之道不苟君子未易行厥志也其徒勉之仕我知之矣非強甘子以祿也知卷舒當相時濟人利物必自一命始也今聞甘子居臨江三年矣厥守



鑑鏗然厥事允釐名聲大發達於尊官大臣尊官大  
臣爭先獎異是甘之爲志行而朋友之規信矣臨江  
望郡包周江湖民樂耕稼厥課恒先集順流委輸留  
都是仰茲攝運而來聲勩競著人方屬耳目可謂不  
愧於鄉里親戚抑與有榮焉故樂與朋友相見也其  
友人聞甘子之至郡人戴之監司褒之餘光將被其  
儔類故樂與甘子見也友人樂與甘子見甘子不負  
其友矣甘子樂與其友見則不負所學矣今之仕者  
上不負所事下不負所學內不負親外不負友可謂  
不徒仕矣甘子名永昂字世瞻其曠月司農竣事將  
還郡丁子輩出餞于郊壘壘來予寓故蔡子云

送劉吳縣考績序

崑長之墳衍太倉常熟之瀉鹵其稅三陪於吳而吳  
之境亦三陪於諸邑以其有名山大水也北起吳市  
南盡歸烏東內三江西薄荆溪湖山相去恒數百里  
六隣邑之業農不謀工工不謀賈而吳之業作不齊  
島居而陸處風土阻越姦胥猾吏得蒙其上豪強之  
黨得陵其下六隣之亡人得匿其中四裔不法之徒  
得冒突而相寇擊故令得其人則湖山之間樂非其  
人則湖山之間憂吳非易爲者也正德丙寅春吉水  
劉公來爲吳令適郡有崇明之警脩戎器選丁壯供  
餼糧恒若救水火然而烽火之候一日數至爲令者  
內聽其民外禦其侮日中揮汗張燭而不遑寧如是  
數月乃已丁卯戊辰之歲時政乖繆貪暴之徒橫索



於上北意之變朝不謀夕吳之難為未有甚於連年也劉公以進士有名首授大邑老才夙學練達之器故能乘時奮發嬰其甚及鎮之以靜處其艱難治之以本下車未遑首敦教化旌廉節寬民於農桑之間講其賢能以勵其頑鈍不激不沮不為奇新而三年之間翕然稱治由是吏不敢挾其刁筆胥不敢紊其科條豪強勸而為義以輔其上而慈其下九流之人各順其道逃亡之息悉為赤子湖山之間盜賊屏息桴鼓不起吳民之樂乃過疇昔而六隣之中咸來則化矣由是觀之非吳之難得其人之難也公方考滿於部於其行為之序

繪燬序

西巖封君割第有堂第北先子橘洲得之為新第而不徙徙自吳頤人處今第北西岩好圖繪韓幹馬品居一大叅天樂公頤人父於橘洲為舅每遊西岩必請韓馬縣觀而賞之曰是唐人迹也余雖不及見天樂嘗從吳頤人領此訓矣雖不肯敢不知重頤人亡二十餘年堂始新徙歲焉於是趙仲穆獵馬二戴靜菴程門立雪圖一沈石田諸名人雜畫六周生臨飲中八僊一文徵明山水十古今人草書石刻古今板書籍端溪玉帶歛材柯九思題銘俞石礪墨端研各一一時圖書與韓馬偕人言物聚于所好余非好古者傳次及余敬潔先居歲先澤歛為一室庶不失所重正德己卯院試婁東家人浴蠶失火

無子遺



也於戲悍哉物更唐宋亂離不少至今存者豈呂江南偏僻深山少奪子孫保之家世是占而今安在哉西岩不寶金玉圖籍是寶橘洲肯構永延世堂方在緹漫家人不得窺其韻顧余不肖輒殺其中求不得罪終夕耿耿夫人有感發斯有言言無知已斯有待故尺牘是責今呼之而莫唯思之而不可得豈庸劣已甚將俾無言無能終其身耶序以自警

送李時賢應試江西序

李時賢名寶浮梁人蘇郡博恥菴先生季子也余始在郡博門未有譽者時賢一日持余文獨心喜之請以師事余歲壬戌就余于學宮外舍明年隨余讀包山又明年當鄉試之期奉郡博命且行再讀石湖之

上三越月臨發顧余曰先生常言遭遇有淹速而操持無改轍知已有淺深而文章無損益弟子將西歸矣請得論文而別乎余曰談何容易東方生所以深於辨也昔孔子生而周衰有道無時微言不欲無間於世故六經作而文章之宗立當是時孔子之澤弟子三千人宗師之久然一不悅於秦王李斯盡束而燔燒之屈原遭上官大夫作離騷以感悟其君而懷王之惑滋甚至詆懷沙爲怨言揚子雲嗜古樂道著爲大玄而劉歆以爲後人用覆醬餽耳夫以一聖二賢之難信抑獨何哉且氣假物以興人假辭以鳴散者萃于一幽者揚而光離亡者未建而不滅淺露者淵鏞而深藏辟若日月之有光景鬼神之忽去來慮之



愈微售之愈艱安得人人而曉之哉 時賢曰苟如  
先生言吾業去矣然先生操文章之戶餘二十年累  
挫不折卒以求知何耶余曰驂騮之未遇駑駘耳得  
造父而駕之先風電矣昔賈生著撥亂之策以說漢  
文累十餘年不獲施行後主父偃用其十一以干武  
帝顧立功於談笑之間何則慮始者難蹈機者易也  
子行矣日聽子音奚惑余爲哉

送博士吳先生四川較文序

古諸侯提封建邦人材各取於其國其謨謀忠義皆  
足以圖治安厥後州郡不得置吏天子乃盡采天下  
之材而廷授之於是藩方亦得試其鄉用薦于廷則  
向之各輔其邦者人材端有在也正德五年四川布

政司將舉試其使其郡潘公走聘于蘇蘇博士安城  
吳先生寔登其幣戒行門下士更進迭賀濟陽蔡羽  
再拜請曰越數千里以致幣雖今故事必有不得已  
也先事而圖所以出于常人也先生曰吾方是懼聽  
盡言羽曰士之不得立于朝由阻于鄉業舉于鄉必  
有得立 天子之廷者矣苟非其人如名器先生曰  
得不得在我能不能在彼奈何羽曰梁州古都會何  
得言無能漢初未置夜郎文翁已通中國文字矧岷  
嶓稟秀山川會靈漢之言文章 乃司馬相如王褒  
揚雄而皆自出也今典文者受給耳先生曰給何如  
羽曰言之壘壘叩之空空必有言非其得者矣使高  
明者各言其自得而吾得虛受之則巴人下里徒嘈



嘈耳是舉也豈不暢在擇不擇慎不慎而已矣先生曰我知之矣吾嘗困精神不克定雌雄中材爲害也蜀之多材自古且然矧今相天下列台輔者方出其鄉乎嘈嘈非真材審矣吾期得真材以報國敢辱名器敢不慎由是諸生皆拜是爲序

### 六俊圖送少宰汪公序

伎圖寫者恒患不得其真苟不得其真雖日圖權貴無益也然克肖者或拘一邦其爲志終不愜邑子陸南仲氏嘗寫太師王公真甚稱意公曰肖余一人未盡子用當知于京師嘉靖二年遣見學士嚴公嚴公曰守溪公已試也令作復稱意延見諸公未數月幾遍朝寺其夏六月望日過予出一圖曰此爲少宰間

齋汪公此爲少宗伯五清劉公此爲大司成後渠崔公此即學士介溪嚴公也此中允署司業前溪景公也此少司成杏岡郭公也六公者咸自講筵金匱分務南都故題曰瀛洲六俊子締視孰肖羽曰偉人敢不敬仰於是焚香灌手再拜興曰變化若龍虎瑞象若麟鳳奇峙若高山光爛若雲月天之生豪傑不虛也所未之前識豕宰宗伯二公獲拜于圖中耳彼四公者微子言吾固已別復拜以歛南仲曰南少宰已得新命副喬公矣諸公連步當自公始子能序所以行乎羽曰地尊人賤南仲曰不然以爲貴臣之言未若賤士之公故願子之明公也羽曰唯唯粵若公孤館閣允茲艱哉顧惟德望才術文章而已矣人臣



無是三者不敢以繆奸高位備是三者以有高位豈徒然哉有喜焉有憂焉間齋公父子兄弟揚歷中外忠清亮直群口敷同海內服其望矣由大司成爲宗伯由少宗伯爲冢宰連服厥命克允克諧采采懋明物議不興海內服其才矣石潭公間齋公科第冠一時典章照史局出言爲家時方取則海內服其文矣方今 皇上英明加意舊老惟是宿望元公是毗是賴天下之勢未至甚偏惟才力磊落是資是斷文體與氣運連絡惟茲典司大老是低是昂公之見召是天下之喜也然天曹百官首太宰公欽悉重命恭懇 帝載羅賢才起耆舊殫厥忠勤日不暇給願推公以自副不敢以一人之慮必天下之無遺弃

也少宰公負茲聲望以受 皇上之知以副白巖公之推縮將丕承不續用光太宰公之美業使海隅黎獻萬一缺望是公之憂也公之憂喜懸于天而福生民利社稷眉壽無疆於圖有徵焉昔武丁圖說其人傳唐圖十八學士則閭立本也南都一時之會公孤隱然後之望歟圖者曰其公於某時爲師某公於某時爲保德如某功如某福澤如某某斯圖之傳不朽矣陸生今之立本也非幸歟是爲序

毛中丞八十序

君子之出也嘗有取于人然後有以立于國其處也嘗有蒙于人然後有以立于鄉斯二者未可以偶然得也蒙不干卿日見加焉賁者弗與也取不於國日



見褒焉有識者弗賞也君子是以懼實之弗逮也實不逮名名斯累矣將用貪天光徼厚福神人弗爾惠也范武子之光輔五世可謂有賴于晉也其老也家事治子孫賢克終美業歎于神人則有蒙于家矣裴晉國之經事四朝可謂有賴于唐也其老也子姓賢良既醉太平燠館涼臺繼世台衮則有蒙于鄉矣我蘇郡大中丞勵菴毛公之貴于朝也老于鄉也人知仰之矣鮮得而快其論也得其顯也失其隱也知其始也得其終也談何容易公之初也以學風乎人者也得其傳者必為名士是故毛先生之易遍天下方其未貴固已被于人矣迨其貴也諫其職也言論風采去而惛惛望其塵而弗得也時無疾前柄于用久

矣額淹淹三丁年僅展臺寺遭洪人之不寧日尋十戈夙夜匪懈鍾鼓既釁疏乞骸骨其取于人又如是也進則取于人處則蒙于鄉君子是以知克字家邦也公三子皆龍孫並青雲器子之秋伯子第矣致仕十一年為嘉靖辛卯壽八袞厥發洋洋厥步倍強其來無方其得深藏人以爲致是皆天也夫德廣而儉簡而能愛范武子之不伐也忠而能慮肥于丘園裴晉國之遵養也是以比于衆能脩然塵表也長顛高履克與物親也詩曰靖恭爾位好是正直神之聽之介爾景福景福非人力也靖恭正直自我也而公寔致之可盡委之天平羽不佞不足言公仲子叟與余善者也曰公子獻敢贊于行觴



送遊五嶽序

士無志趣場之高墉不足為棄之草茆不足處故留  
或投膠去有不稅冕在各得其趣而已古之時士不  
遊非鄉里者有禁曰何以離墳墓也於其時上之養  
人也大用人也公位視厥德職視厥能而野無賢人  
誠欲遊得乎周之末士始遊季札觀上國孔氏之庭  
言公自吳子南自秦而司馬子長跡半天下其始必  
有激也今世之俗上之待下也薄下之求上也厚好  
惡回易競門日啓不鉤距其心狗彘其行不已也士  
生其間苟有清高之志皆君子所與矣同邑黃子勉  
之天資過人刻苦好學傾貲倒廩訪求遺書故發為  
文章斬絕凡近意趣所向別為一境而人有不能知

者年三十而此於總不售曰吾豈可以老是哉將有

事五嶽告別于諸所往來徵文下濟陽蔡羽強之不

趣外聲利養清德超然世與恍然獨得乎固知勉之

之能也寧以五嶽為無入之地而空行無益乎矧嵩

恒太華鐘天地至精之蘊世則曠絕一躋其首憇其

壤將使物欲消化耳目潔淨真一之德土潛于天回

視奔競齷齪之徒蚋聚蠅頭之豎曾不若糞土而盲

視聵聽之庸亦何得張厥好惡哉用是知黃子之趣

之高果出于今之俗也黃子歸可必得得可必成如

季子言公子長學者可到因序以導其往

送王履約會試序

羅士以科目若縣的焉人競矢之破的者以為易不



的者以為難士之求知主司揣摩有年方試也恒用不由程是病有司列棘而試之百執事効勤其下重臣持其上恒用不革姦是懼第之日遇者以為明不遇者駟不明吾甚惑焉非自愛之道也君子愛厥身故求明厥志明厥志而后定厥業故進不拂乎道退不喪乎身遇不遇一張弓之巧耳得失雖小各有尸之將安歸乎君子明是故故厥易焉不為喜厥艱焉不為戚在審諸已而已見有不至遠將焉從守或不固廣大焉依古之學者用是夙夜匪懈也太原王守履約余高弟也才清而氣和意趣閑雅其所好極古人之選為詩文溫麗而有體其弟履言寵余高弟也才名特著余之與履約比于鄉凡三與履結四而余

自為比凡九已卯之比履約破的之年其知王子者為余賀以為王子之進猶夫子也子何恤不知王子者為履約賀以為子竟賢於子弟子師子奚尚若王子之自養衆人不得而窺焉今王子遭明主司見伸一時由是而第春官魁 大廷將登其實仕可強為乎夫內不明而私智強作雖能一時久必撓夫稷不知稷焉漢書契不明倫焉施教夷不明禮秩將焉宗變不明樂音將焉諧是九官盲于進而舜盲于知人也使九官而不盲于進其無養乎履約行余為序

送三千總兵徐君序

文皇帝功臣徐公起家千兵進伯爵食邑興安厥胤徐公得侯券鎮寧關陝人言二公之後何寂寂也弘



治初余舅景范馬公爲司封真外知封爵嘗言與安  
之後有德懋今插貂矣未幾德懋爲馬公婿迨丁巳  
之秋持册鄱陽續封 宜春王往來于蘇重與姻家  
別然三千營在三大營之列虛兵符攝大禮夙夜匪  
懈違恤其私雖姻弗敢尼也行得日屬二三賓客出  
餞于虎丘之于頃雲徐君投壺雍容步射趨蹌觀者  
如堵環相歎曰虎臣之後偉人也卒爵君興曰子爲  
我序所以事君余曰於戲元勛余輒生惡足以相子  
歸而求之有餘也 先朝白溝之勲炳照丹書於子  
今幾世天下服其功矣三千團甲 天子之親兵  
而羽儀 大駕得帥者今幾人天下服其贊矣贊是  
功是贊不足以事君乎徐君曰敢進於是余曰功高

者陵上自賢者距人易曰勞謙君子萬民服也使勞  
而無謙克濟乎書曰汝惟不矜天下莫與汝爭能使  
能而矜能免乎斯二言子徐思之徐君曰唯唯遂書  
以爲序

送徐子遊太學序

山之秀太湖者兩洞庭其東大發于文恪公其登臺  
閣也在弘治末年文恪公之秀鍾于錫館至嘉靖中  
少宰公登臺閣少宰公之嫡徐子民則王氏孫也得  
兩家之美欲其不秀而奇不能其西又大發于少宰  
公父子也民則既自多于凡品乃益養之以虛克之  
以問學故其英不容于不張其髻而京也學士先生  
稱之士而庠也州郡之豪推之人望其取高第若厥



祖父父矣嘉靖九年少宰公以績當蔭子不敢虛  
皇上之賜牒至蘇人以徐子且難之乃即日解郡祿  
拜 思命蓋又不敢虛親之蔭也夫舉不避親忠也  
仕不怠本孝也彼矜得自喜者識是哉明年徐子將  
遊太學蘇人擬其秋必第于京兆預爲賀予以爲徐  
子之可賀不止是北捷于京兆餘事耳乃各以詩言  
其行序于首

### 陳啓之進學序

陳季子之及門也聲若不出口問其居濠股之俗不  
知也與之周旋圖籍則居然一文士也余異之曰之  
子無亦有待乎作宮室基之矣與遊于藝之圃有所  
見欣欣焉有所聞冥冥爾又異之曰是於彼無相病

也發軔庶幾乎雖然未知其甘也困之以饘藜寂之  
以寒谷則又欣欣然揚辭之淵也浚禮之川也居三  
月復移于市乃感然若不相容冒炎熨陟江湖夜解  
余之榻復于殮饘寒寂若蝸之集于酸也蚊之集于  
明也於戲是墨翟之守也雖然未考其力也曰厥質  
與相躡難毅而需之隱而虞之回厥程而迂步之陳  
百物以觀性也縣無形于有形也則執之彌堅固書  
夜頷頷問九反弗厭也足倒折弗却也百仞之岡必  
求縣焉百尺之堅必求瑕焉宣尼曰後生可畏亦若  
人焉爾矣雖然未觀其竣也辭忘乎辭也藝忘乎藝  
也知忘乎知也尚有待于鑪播鑪播之間非吾所知  
是在季子



二業訓後序

孝以一人倡以同志行進取者不謀道非病也視天下猶二途也故功名與道德之家常水火夫不定厥志而求令厥趨皆厥趨而求亮厥采此道之所以不明而習日非也吾師甘泉先生以爲憂作是訓用開人心夫天下之士曉然知吾之立身無一不本於心術於是乎始見天下之途未嘗不出於一也借曰舉業與德業異焉功業焉依文辭焉出 國家之所養焉待朝政夕改者焉說明其途以習其業則不欺其心不欺其心則他日必無欺君罔民之事矣於是乎舉則爲君子否則奚舉之足貴是訓也大闡於國孝信于賢士大夫欣欣然方回心嚮之矣長洲掌教臨

安孫先生得日泉之門者也曰是不可以不曉夫鄉之士請梓于長洲學余惟吾蘇之士聰明爽俊爲文章伎藝必求高于一時擬于古人殊不知友古人有道是皆聖賢之末緒也理其緒不理諸根撥求以久植斯世無是理也苟使熟玩是訓反觀諸身心知其蹇然不終朝安也由是以求其歸孫先生之功豈鮮哉故曰以同志行

送司農負外方公還 京序

善無常主感斯形矣政無常拘仁斯溥矣夫有養斯無累心無累則克之至奚適而非善授之以政人以職泥也余何施而不可君子於是乎不矧也權閥之政非 京朝官不領司農者之設是有待也 京朝



官蒞是亦艱矣未晨而集環而竦側牙而入日聞其  
賢算閔其灌輸驕其泉布狡獪者方沒焉雖以高明  
獎之焉得其淵哉是故無終食之餘以清其心地懷  
寧方公之為 京朝官也嘉靖九年以戶部員外領  
是職非不聞其賢算閔其灌輸驕其泉布也乃無牙  
無機狡獪者持而不得入公知害雖易去其原則不  
在是思一風起其人正其好惡以大其耻以漸于狡  
徒為出講學于簿書之外三百里內凡厥有上鼓篋  
日湊公知方丈地不能容則處之以義塾稍示程度  
則欣欣起矣酣其中而不能去濟濟乎殆與大庠角  
立於是鎮之俗日變也夫政一而已或敝之不足或  
蕪之有餘或窒且不通或通且無方於是見公之養

也曩者寤寐思服伍厥徒覆厥鈴鍵非不勦乃有政  
也乃猶者日猶今以 京朝官拱其上屬吏贊其下  
而私無所容又得談道乎其外一方之人觀且率狡  
獪咸以為神明相去遠甚矣天下之事苟會其理得  
其養豈必拘拘哉明年辛卯冬將竣于司農士弗能  
援也沈生槐從子應元咸弟子列被化寔深思有言  
以委羽羽於公傾仰蓋久及見政美之溢歎息終日  
述其粗以為祖道先若悉乃教政義舉仁澤則有塾  
之碑文正祠趙王墓三文在